

太上黃籙齋儀卷之二十四

唐廣成先生杜光庭附

安宅落景行道

入戶

各禮師存念如法

衛靈

五星高耀 瑞氣飛浮 元始集神

天地交周 玉符寶節 嘯命微幽

擲火揚威 奸凶無留 萬魔振伏

紛葩却消 摧怪伐惡 道炁同流

神光照夜 陰翳俱收 萬仙降格

廟景乘騰 群生成遂 惠遍神州

鳴法鼓二十四道

無上三天玄元始三炁太上道君召出自身

中三五功曹左右官使者侍香金童傳言玉

女五帝直符直日香官各三十二人出出者

嚴裝開啓玄壇天帝神君當召此間土地里

域真官正神急上開啓巨奉為入意願得

玉清道炁靈寶妙光下降流入臣等身中即

使玄壇清靜內外成真天無氛穢地絕妖塵

琳瑯振響十方肅清萬魔不干真誠上徹令

臣所啓速達徑御

太上無極大道金闕玉陛下

各稱法位

具位臣等謹同誠上啓

虛無自然元始天尊無極大道太上大道君

大聖祖高上大道金闕玄元天皇大帝太上

老君高上玉皇十方已得道大聖衆至真諸

君丈人三十六天帝君玉虛上帝玉帝大帝

東華南極西靈北真玄都玉京金闕七寶玄

臺紫微上宮靈寶至真明皇道君三十六部

尊經玄中大法師土府太皇九地五帝中黃

戊己應感真靈臣等伏聞太上垂文元皇設

教陶融萬有亭毒群方三洞玉書降九清而

演妙諸天大聖弘至道以度人以佐國為先

慈教為本凡有詞款敢不上聞

讀詞

臣等依按詞誠理宜開齋齋主某以居宅之

所併有繕修慮違忤神明犯干禁忌虔申懺

滌以贖愆愆是敢違按典儀精崇壇墀開玄

都玉復俸黃籙簡文法地象天修齋行道以

今晚朝行道請法衆等運茲初捨上香

願此香煙騰空徑上供養

無上至真道寶臣等歸身歸命首體投地仰

依

太上三尊願以是功德歸流

宗廟先靈列聖昭穆

皇帝昇聞上境安鎮鴻圖均雨暉而燭萬方

齊三光而育群品儲宮妃后先賢休明文武

職寮輔成磨化今故燒香歸依

師尊大聖衆至真之德得道之後升入無形

和與道合真

以今晚朝行道請法衆等運茲二捨上香

願此香煙騰空徑上供養

無上至真經寶臣等歸身歸命首體投地仰

依

太上三尊願以是功德歸流齋主某家九世

幽靈遊神碧落六親眷屬列品仙都泊手宅

字之中龍神將吏鎮安其位清湯妖凶克叶

又寧永符貞吉今故燒香自歸依

師尊大聖眾至真之德得道之後升入無形和與道合真以今晚朝行道請法眾等運茲三捨上香願此香煙騰空徑上供養無上至真師寶臣等歸身歸命首體投地仰

依太上三尊願以是功德歸流普天率土含識有生普及幽明均沾福祐齋主其家凶災殄息祿算延長允承道德之風俱契真仙之果今故燒香自歸依師尊大聖眾至真之德得道之後升入無形和與道合真

禮方 懺悔 赤虛旋遠 頭腦禮金闕 攜首迷玉京 齋樹圓景園 煥爛七寶林 天獸三百名 師子巨萬尊 飛龍躡躅吟 神鳳應節鳴 靈風扇青華 清香散人襟 自無高仙才 焉能脫此心 嚴我九龍駕 乘虛以逍遙 八天如指掌

六合何足遠 衆真誦洞玄 太上唱清讚 香花隨風散 玉音成紫霄 五苦一時送 八難順經家 妙哉靈寶園 興此大法橋 天真帝一宮 鶴鶴冠羅靈 流煥法輪網 旋空入無形 虛皇撫雲璈 衆真誦洞經

高仙凜手讚 彌劫保利貞 三禮 臣等至心稽首禮 太上無極大道 臣等至心稽首禮 三十六部尊經 臣等至心稽首禮 玄中大法師 重稱法位 具位日某等謹重伸上啓

太上無極大道元始天尊太上大道君太上老君十方無極大道道德衆聖天尊至真大帝天帝三十六部尊經玄中大法師九土玉皇太始五帝中黃戊己十二真君三界應感一切真靈臣等獲奉至真恭修秘妙功莫加



於動植化未洽於生靈每息佐國化人私道贊法奉揚玄奧廣濟人天齋主某以營身所居興工動役或捷林運石驚觸龍神或增下損高犯違禁忌或所居之地有古跡靈墟或穿鑿之方有瓦祠敗壘或汗漬仙境或侵逼

名蹟或失五姓之宜或平二宅之利因其繕飾遂構災凶虔設壇場過申祈懺臣等按天師格品依正一法文上請救敗君等一十二部天官將吏兵士驅除故氣清蕩氛邪却地中土木之精及遊尸厲鬼解土公侵食之害銷五方禁忌之災一切凶妖悉令除蕩使禱祥霽集禍害冰銷伏願

太上眾尊垂慈鑒映降流真氣覆祐其方勅勒正神鎮安其位常扶貞吉永保康宜上願帝道隆昌 皇風速扇三邊有泰八海無波疫毒不侵星辰合度泊乎衆夜府長觀光明齋類有生無失其所齋主某家七玄幽爽證品生天子孫傳忠孝之規速近享文安之福龍神容衛動靜和寧普沐

玄功並昇
真界上明

天尊慈宥之澤下副臣等懺謝之誠謹啓以聞

發願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢
- 十一願齋功廣被
- 十二願善端日臻和與道合真

復爐

香官使者左右龍虎君侍香詣靈官當令臣
行香之所自然生金液丹碧芝英百靈衆真
交會在此香火爐前令臣學道得道求仙得
仙齋主受福幽顯沾恩十方仙童玉女接侍
蘭煙令臣所啓之言速達徑御
太上無極大道金闕玉陛下

出戶

太上黃籙齋儀卷之二十四

太上黃籙齋儀卷之二十五

唐廣成先生杜光庭剛

鮮三

安宅三時通用行道

入戶

各禮師存念如法

衛靈

- 五星列照 煥明五方 水星却災
- 木德致昌 熒惑消禍 太白辟兵
- 鎮星四換 家國利亨 名刊玉簡
- 字錄帝房 乘颺扇景 飛騰太空
- 出入冥無 遊宴十方 五雲浮蓋
- 招神攝風 役使萬靈 上衛仙翁

鳴法鼓二十四通

無上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝關啓玄壇天帝神君當召此間土地里
域真官正神急上開啓臣今奉爲入意願得
玉清道氣靈寶妙光下降流入臣等身中即
使玄壇清淨內外成真天無氛穢地絕妖塵

正一天師清微弟子 洪百堅 製作
道教學術資訊網站